



Travnik, 23.4.2020.god.

Predmet: Održan sastanak Ministarstva privrede i putničkih agencija u SBK

Na inicijativu Ministarstva privrede SBK, dana 23.4.2020. godine, održan je sastanak predstavnika Ministarstva privrede i predstavnika putničkih agencija u SBK. Sastanku su prisustvovali predstavnici 5 putničkih agencija sa područja SBK i to:

- Saraj Bosna d.o.o. Lambada Travel Bugojno;
- Santours d.o.o. Travnik;
- Adino Tours d.o.o. Bugojno;
- Divan Travel Agenci d.o.o. Travnik;
- Ventura Travel d.o.o. Travnik.

Pored predstavnika putničkih agencija i predstavnika Ministarstva privrede sastanku je prisustvovao i direktor Turističke zajednice SBK.

Cilj sastanka je bio da se Ministarstvo privrede SBK, iz prve ruke, upozna sa problemima rada ovih subjekata koji igraju vrlo bitnu ulogu u segmentu turističke privrede Kantona.

Prisutni predstavnici putničkih agencija su naveli velike probleme u radu prvenstveno zbog obustave drumskog prijevoza kao i avio prijevoza, i to traje od februara ove godine, otkazani su svi aranžmani domaći i inostrani, svi autobusi u njihovom vlasništvu su parkirani i ne vrše nikakav prijevoz a samim tim imaju i veliki problem oko registracije istih. Do sada do njih 36 uposlenih u agencijama otpuštena su samo 2 radnika.

Za prevazilaženje problema oni su predložili da se đačke ekskurzije obavljaju na području Srednjobosanskog kantona a već imaju od ranije pokrenute aktivnosti npr. Škole u prirodi, te da se đačke ekskurzije koje su bile planirane za aprilu, maju i junu 2020.god. realiziraju u septembru i oktobru. Također predlažu da se registracije autobusa u njihovom vlasništvu stave u mirovanje do normalizacije stanja. Istakli su da očekuju finansijsku pomoć od federalnog i kantonalnog nivoa vlasti.

Ministar privrede je istakao važnost donesenog Zakona o Turističkim zajednicama SBK, koji će unaprijediti ovu oblast, kao i Instrukciju koju je ministarstvo uputilo općinama kada je u pitanju smještaj u domaćinstvu, te je najavljen brzi program sufinansiranja najugroženijih subjekata a prioritarno onih kojima je naredbama zabranjen rad. Istakao je i potrebu da se održava stalni kontakt i saradnja.